



INUUSUIT KIVITSISUSSAT

Arctic Winter Games 2016

'Inuusuit kivitsisussat' sunaava

'Inuusuit kivitsisussat' inuusuttunut AWG2016-imi kajumissutsiminnik suleqataarusuttunut aqqqissuulluakkamik pikkorissarnissamik neqeroorpoq. Siunertarineqarpoq pikkorissarnerit aamma misillittakkat aqutigalugit aqutsinissamik piginnaasanillu ineriartortitsinissaq, asser-suutigalugu ilinniartitaanerup iluani aamma siunissami inuussutissarsiutigalugu suliffigileru-maagassat eqqarsaatigalugit. Inuiaqatigiinni nutaaliaasuni unammilligassat anigoruminaas-sinnaasut qaangerniarnissaannut inuusuttut imminnut tatiginerulernissaannut 'Inuusuit kivitsisussat' peqataassaaq. Aammattaaq inuusuttut ilinniassavaat suliniut/aaqqissuussaq iluatsilluartumik naammassiniarlugu akisussaaffeqarneq qanoq pingaaruteqartiginersoq. Inuusuttut 'Inuusuit kivitsisussat'-nik naammassinnittut inuusuttunut allanut maligassiui-sungussapput, kajumissutsimik sulineq aamma inuiaqatigiinni akuuneq eqqarsaatigalugit.

Tunuliaqutaq

AWG2016-i Northwest Territoriesip (NWT) inuusuttunut sinniisunik suliniutaanit isumassarsisitinneqarpoq. Suliniut pitsaasunik kinguneqar-simavoq, NWT-imilu inuiaqatigiit ikitsunnguit akornanni inuusuttut akor-nanni maligassiuisunik pilersitsiviulluni.



Siunertarineqarpoq AWG2016-imi misileraammik suliaqartoqassasoq, 'Inuusuit kivitsisussat'-nik pilersitsiviusumik. Suliaq sulianik aqutsinermik, sullissinermik, kajumissutsimik suliaqarnermik aamma issittumi kulturimik samminniffiussaaq. Inuusuttut ilinniaqqinnissaminni sulinissaminnilu, aammalu kajumissutsiminnik sulinissaminni atorsinnaasaannik tuniorarnissaat anguniagaavoq.

Arctic Winter Gamesip 2016-imi marsimi Nuummi ingerlanneqarnerani kajumissutsimik suleqataanikkut inuusuttut aqutsinermik piginnaasaminnik ineriartortit-sissapput, peqatigitillugulu pingaarutilimmik misilittagaqalerlutillu inuusuttunik inersimasunillu Kalaallit Nunaanni tamaneersunik, aamma issittumi nunanit allaneersunik attaveqarfeqalissallutik. Inuusuttut, AWG2016-imi kajumissutsiminnik suleqataanissartik sioqqullugu, piginnaasassaminnik aamma ilisimasassaminnik pisariaqartinneqartunik pikkorissartinneqarnissaat qulakkeerniarparput.

Anguniagaq

Misileraalluni suliaq - AWG2016: Inuusuttut toqqakkat Kalaallit Nunaanneersut aqutsinissamik piginnaasaqalernissaannik, misilittagaqalernissaannik aamma AWG2016-imut atatillugu kajumissutsiminnik suleqataanermikkut aggerfimmik peqataatitaqarnissaannik periarfississallugit.

'Inuusuit kivitsisussat'-ni peqataasut makuninnga ilinniartissallugit:

- Kajumissutsimik sulineq aamma sullissineq
- Suliniutinik suliaqarneq
- Inuusutissarsiorneq
- Arctic Winter Games 2016-i
- Issittumi kultuuri
- Tusagassiuutinik ilisimasaqarneq

Inuusuttut: AWG2016-imi kajumissutsiminnik suleqataanermikkut Kalaallit Nunaat sinniisuuffigissallugu, taamaaliornikkullu AWG2016-ip iluatsilluartumik ingerlanneqarnissaanut peqataallutik. Aqutsinissamik piginnaasat ineriartortissallugit, peqatigitillugulu sulinermik pingaarutilimmik misilittagaqalerlutik, aamma inuusuttunik allanik Kalaallit Nunaanni tamaneersunik kiisalu Issittumeersunik attaveqarfeqalissallutik. Misileraalluni suliap ingerlaqqinnissaa neriuutigalugu.

Pikkorissartitassatut siunnerfiit

Inuusuttut 30-t, 18-iniit 24-nut ukiullit Kalaallit Nunaanni sumiiffinnit assigiinngit-suninngaanneersut. 20-t Nuumminngaanniissapput, qulillu Kalaallit Nunaanni sumiiffinnit assigiinngitsuninngaanniissallutik.

Peqataanissamut tunngavissat

Toqqaanissami tulliuuttumi taaneqartut tunngavigineqassapput:

- Peqataasut 18-it 24-llu akornanni ukioqassasut.
- Peqataasut Kalaallit Nunaanni sumiiffinnit assigiinngitsuninngaanniissasut. Minnerpaamik kommunenit tamanit peqataasoq ataaseq.
- Peqataasut piffissami 29. februaari – 12. marsi 2016 Nuummiissinnaassasut, taamaalillutik pikkorissartitsinermut aamma AWG2016-imi kajumissutsiminnik suleqataanissamut peqataasinnaassallutik.
- Peqataasut peqataanissaminnut tunniusimallutillu piumassuseqarluassasut.
- Toqqaanissamut tunngavigineqartut aallaavigalugit qinnuteqaatit ataasiakkaarlugit nalilersorneqassapput.

Qinnuteqarnissamut piumasaqaatit

1. Qinnuteqaammut immersugassagassaq immersorlugu, imminut tunngasunik, soqutigisanik, kajumissutsimik sulinermi misilittakkanik, sumiiffimmi akuuner-mik, maannakut ilinniakkamik imaluunniit suliamik pingaarnersiulluni allaase-risamik, ilanngussaq a.
2. Oqaaseqaatinut immersugassaq immersugaq (ilinniartitsisumit, sungiusaasumit imaluunniit inersimasumit allamit ilaqutarinngisamit), ilanngussaq b.
(Qinnuteqarfissatut killiuliussap qaangiunnerani peqataasussatut toqqarneqar-tunut tunngatillugu meeqqanik pinerliisimannginnermut aamma pinerluuteqar-simannginnermut uippernaarsaat pissariniarneqassaaq).

'Inuusit kivitsisussat' suut naatsorsuutigisinnaavaat

- AWG2016-ip marsip arfernganiit aqqarngata tungaanut ingerlanneqarnerani inuusuttut sulinissaat naatsorsuutigineqarpoq.
- Inuusuttut 'Inuusit kivitsisussat' naammassigunikku aamma AWG2016-imi kajumissutsiminnik suleqataareerunik uppenarsaammik tunineqassapput.
- AWG2016-imi kajumissutsiminnik suleqataanerminni 'Inuusit kivitsisussat' kavaajamik aaqanngitsumillu tunineqassapput, kajumissutsiminnik sulinerminni atugassaminnik.
- Suliap ingerlanneqarnerani AWG2016-i nerisaqartitsissaaq.
- Inuusuttunut Nuup avataaneersunut angallanneqarnissaaq, aamma suliap ingerlanneqarnerata nalaani najugaqarnissaaq isumagineqassaaq.
- Peqataasut ullormusiaqartitaanatilluunniit sulinissaraluaminnit annaasaqaatiminnik tunineqassanngillat.
- Inuusuttut pikkorissartitsinermik naammassinninngitsut, imaluunniit ileqqo-rissaarnissamik eqqortitsinngitsut suliamit peqataajunnaarsinneqassapput.